

田家五行

五行序

予既刻農書同年杜魯瞻氏以思
遺曰是可以輔農書而傳者也其
經述不知何許人歸視之皆吳之
之語當為吳中人無幾乎嘗謂
治之力在乎我而水旱以傷
田不如逢年固也然有說焉蓋
天時以預為之備者上策也不
其力者次之若夫不審天時不
戒裂而種者斯為下矣予是產

吳中老農惟稱陰晴水旱之類十而常七八
氣候之相符物理之元氣固有不外乎人心之
者矣則是書也其可以少中哉乃以餘怒而和之

田家五行目錄

上卷

正月類

二月類

三月類

四月類

五月類

六月類

七月類

八月類

九月類

十月類

十一月類

十二月類

中卷

天文類

地理類

草木類

鳥獸類

鱗魚類

下卷

目曰

目一

三旬類

六甲類雜古

氣候類

消吉類高教食品

祥瑞類

一

田二冬

田家五行目錄終

田家五行卷上

田舍子集

元禮鶴天述

正月類

雜占云凡元日值立春主民大安諺云百年難遇歲
朝春有雷主禾麥皆吉有雪主夏秋大旱日出
時有紅霞主絲貴喜晴惡雨諺云明正時至吉
天微陰東北風主大熟諺云歲朝東北五禾大
熟一云五湖大熟有一諺或云有水言五湖中以
魚多為熟故也或云主極旱言田雖低如五湖者
亦得大熟也愚按風自東北來主得其宜致之盛乎

ニクシク

經驗多是水旱勾調高下皆驗之兆也由此論之
當以五禾者為是俗指壬癸亥子之方謂之水旱
其方風來主大水諺云歲旦西北風大水定妨
西南風主米貴南風及東南風皆主旱歲時雜
記云五更將杓神在腰信步出門試聽傍人說甚
言語吉則吉凶則凶風土記云服赤小豆二七
粒面東以壅汁下即一年無疾病家人悉令服之
荆楚歲時記云平旦以麻子二七粒投井中辟
瘟鑿家有八神屠蘇用藥八味入絳囊隔夜懸
之於井或水缸中平旦以酒三五盞連囊煎三五

原缺

沸或人衆再煎以酒自飢至長面東隨意飲之一
年四時不患瘟疫之疾 換桃符 不討火不汲
水不掃地 年朝把筆百事大吉

立春風色晴雨雪大率與元月同 種春田卜水

旱澇嘉興之崇德每故事其地塘東高阜畏旱宜

水塘西低下畏水宜旱故東西兩鄉之人各備麥

苗於是日早至有司衙門前比及未打春之前東

鄉人種東街西街各取先兆以斷水旱

豐歉連年借問多有奇驗 看春牛占歲事其釋

色本按立春日之支干納音各有定式田家目以

此占歲事頗亦有驗頭黃主熟又專主麥大熟
青主春多溫赤主春旱黑主春水白主春多風身
色主上鄉蹄色主下鄉四時占法並同前 人事
爭取泥上書大字云立春之日百事大吉

凡一日陰人料一升二日陰人料二升此說恐誤大
抵新年只是得清明稍和暖為上以東方朔八日
論之其義可見矣杜詩云元日至人日未有不陰
時蓋以此譏時事初非替羨之辭由此究之誤傳
無疑矣或是上鄉專於畏旱之言其理亦通

東方朔以新年八日占八事休咎晴為祥雨為殃曰

一雞二犬三猪四羊五馬六牛七人八穀也

秤水十二日以下十二月之水旱專取一瓦瓶每朝
取水秤重則雨多輕則雨少初一管正月初二管
二月之類

上正三節初三日也意謂尊歲首故稱爲上近聞鹽
官一友人傳伯玉云彼中呼爲夏正三蓋夏時建
寅正此言有理 東北風主水旱謂東南風晴主
旱西北風主水 其日田家占水旱豐歉二庶卜
家宅名利商賈問財貨出入咸用此日或龜或筮
取驗以爲最準

穀旦即初八日俗名三八日宜晴此夜若雨元寶如
之諺云三八夜弗見參星月事取弗見紅燈量
月影占水當晚直立一丈竿於平地候月光線有
影即量之據其長短移於水面就橋柱或船欄等
柱上痕記梅水必到所記而止水鄉取影短為吉
看參星即俗呼七簇星也是星在月西約丈許以
下謂之參得過以上謂之太過主大旱在月東謂
之參不過主水

五子日斷歲事詩括云甲子豐年丙子旱戊子蝗虫
庚子叛唯有壬子水滔滔只在正月上旬看

上旬內得辛日古水旱三日以煎主旱七日之外主
水餘平愚按六甲周流天下一定之理四海之廣
南北分野水旱每有乘除豈可拘而一槩取之因
攻豐年已上三說少有應驗不若以晴雨論之者
多有準蓋風雷晴雨日里不同以其地占之應在
其地固可信也如禮記月令篇所載孟春秋令則
云其民大疫仲春秋令季秋夏令則云其國大水
孟夏冬令則云後乃大水敗其城郭立秋春令仲
秋及仲冬夏令則云其國乃旱此亦言氣候寒暑
不正之變各國不同故特云則各國之水旱大疫

即此義也。餘有六甲中得壬得辰等日以訖早者甚多，皆不甚準，所以不敢泛陳。

上元日晴主一春少水。詩括云：上元無雨，麥春旱。清

明無雨，少黃梅。夏至無雲，三伏熱。重陽無雨，一冬

晴。予幼時僅聞有末句，忽一日家兄云：有上文云：

句曰：重午有風，三伏熱。意謂特取對耳。後遇天台

術士張寅谷者，值上元日喜晴，云：一春必旱。因扣

之，乃誦此括方知是有此對。然亦未能深信。又二

年有越上耆儒陳元茂者，因清明喜晴，忽誦此括

却云：夏至無雲，三伏熱。攷之占法，此說有理。方纔

此疑無雲之說詳見五月夏至下 採官繭以麪

一作籠炊之餽內微水旱吉密之識燈下分供各人

取驗以下流年休咎楊誠齋詩云小兒欲求得官

早小女只求蠶繭好 爆字要燒乾鏊以糯穀爆

之謂之字與花占稻色自早禾至晚稻皆爆一握

各以器別此並分數斷高下人口亦如之已上

二事縱不堪信然亦為田家應時納祐團樂之樂

祀紫姑仙俗謂之坑三姑娘娘以箕帚筭就廁

婦人禱之以卜牝牡桑之事及請劃花樣以求巧不

可令男子見之見之即限

十六日

謂之落燈夜

晴主旱至

正西申北久與音得

其處

說晴而東南風此若喜國叩之此力得晴

大水

解相宜若云線喜東南風謂之入門風其年

二十日

謂之秋收日晴主秋成

雨水後陰多主少水高不實古諺云正月罌坑好種

田

月內雷多主人民不安三月餘主粟賤及盜賊多

虹見主七月穀貴

二月類

朔日值驚蟄主鍾值春分歲歉風雨主米貴

初二日東作興諺云二月二上工日言田家凡雇傭傭作之人俱用此日為執役之始故名上工雨主妨辰是朝見薄水主旱

驚蟄前後有雷俗謂之發蟄起自北主有水雜占

云凡發聲初起艮主米穀震主歲稔巽及坤主蝗虫離主旱兌主五金長價乾主民災坎主水

初八日祠山張大帝誕辰東南風謂之上山旗主水西北風謂之下山旗主旱相傳彼中值西北風則旱人皆泣蓋其鄉俱係山田畏旱故也

十二日夜宜晴可折十二夜雨大越二月怕夜雨若

得此夜晴雖雨多亦不妨人陳元茂云二月雨

雨則為水潦年歲矣

春分日占風東主麥賤歲豐西主麥貴南主五月先

水後旱北主米貴一倍 前後一日內雷主歲稔

勸農日即十五日有司官守屬文散管內各鄉社躬

率父老會于東郊勉勵以時興工謂之勸農是日

晴和主豐風雨主歉

寒食前清明二日是其日必雨甚準荆楚歲時記云

冬至後一百五日必有疾風甚雨謂之寒食吳人

專尚此日墓祭謂之掃松又謂之上墳多值風雨

每年經驗杜詩云寒食少天氣清明多杜詩云
氣候之常也諺云雨打墓頭錢今年好種田或云
射角好撐船此說不驗若言清明之雨却合占法
墓頭錢以紙錢掛墓上謂之標墓此益餘荒墾亦
欲視人有子孫在之意也子自育生以來幼時
祖父及自生祭此是
月內紅見東主秋米賈西主蠶貴十夜以上雨主水
霜多主旱如見生秋成見收此言終
之子曹果豐盛老農也

三月類

朔日值清明主草木榮值穀雨主年豐木乙云主年
內多雷大旱風雨主人災百虫生雷主五穀熟

清明喜晴惡雨諺云簷頭柳背農人休望晴簷頭
插柳焦農人好作嬌又詩云清明無雨少黃梅
詳見正月上元下

上巳即初三日聽蛙聲占水旱諺云上晝叫上鄉熟
下晝叫下鄉熟終日叫上下齊熟又要聽其聲高
下叅合取驗諺云田雞叫得啞低田好把田雞
叫得響田內好牽漿唐詩云田家無五行水旱卜
蛙聲正此謂也論晴雨卜蠶桑諺云三月初三
晴桑上掛銀瓶三月初三雨桑葉成苦脯又云雨
打石頭班桑葉錢價難言蠶無準葉倏貴倏賤也

雨在石上流桑葉好饒牛言蠶損葉無用也

黃姑浸種日即十六日西南風主大旱或云上鄉人

見此風即懸百文錢於簷下風力能動則舉家失

聲相丐言風愈急愈旱故有驟起已浸種穀之說

其應驗謹切如此

穀雨前得一雨朝露三六旱東州谷雨日雨則熟生必主多雨二麥紅爛不

可食

月內有暴水謂之挑花有則多梅雨無則亦無有雲

不消則九月霜不降留多歲稔紅見九月米貴

四月類

朔日值立夏主地動值小滿主凶災大風雨主大水

小則小水晴主旱老農咸謂此日最緊要

此日雨
主雨

種雨
之惠

立夏日看日暈有則主水諺云一晝添一番湖塘

冬至糕每甯一二片懸于梁上是日取水浸煮

令軟分家衆食之一夏不致冒暑

初八日看陰晴卜水旱最宜密雲不雨諺云四月八

晴料掉高田好張釣四月八晴寡寡鮎魚到龜下

四月八鳥瀉禿不論上下齊熟 有夜雨損小麥

新麪必致碎燥難為打切諺云小麥不怕神共鬼

只怕四月八夜裏雨老農云大抵立夏後夜雨多
便損麥蓋麥花夜吐雨多則損其花故麥粒浮秕
而薄粒也

十四日晴主歲稔諺云有利無利且看四月十四東
南風尤妙一云但欲晴不問風色此言富家放債
者專看此日

十六日看月小水旱上旱無雲紅色主大旱遲而白
色主水夜深主大水有雲主草多雲黑主有蟹每
年試驗諺云有穀無穀且看四月十六又云月上
早低田收好稻月上遲高田割者稀

小分龍日即二十日晴分懶龍主旱雨分健龍主水
東南風分黑龍主旱正南風分赤龍主大旱西南
風分黃龍主上下大熱西北風分白龍主大水東
北風分青龍主小水

月內日裏要暖夜裏要涼主少水諺云日暖夜寒東
海也乾老農云大抵立夏後到夏至前皆不要熱
熱則必主暴水虹見主米貴有東南風退水謂之
烏兒信宜麥諺云稻秀雨澆麥秀風搖杜詩云晴
風生麥浪言景物之應候者也

五月類

朔日值芒種主六畜凶值夏至主冬米大貴有大
雨主牛貴人飢及來年春米貴又云天雨五朔不
出一年民大飢蝗虫起諺云初一雨落井泉浮初
二雨落井泉枯初三雨落連大湖又云一日值雨
入食百草又云一日晴一年豐一日雨一年歉

立梅芒種日是也陰陽家或云芒後逢壬立梅至後
逢壬梅斷或云芒後逢壬立蠶蠶爛上地收之田
家初插秧迎芒謂之發黃梅唐人詩云水國芒種
後梅天風雨涼其註按風土記云夏至前芒種後
雨為黃梅雨今江浙有此當以俗說為無疑矣

最畏交節後半月內有西南風諺云梅裏西南
時裏潭潭言梅裏有此風時內必有霖霖之雨排
年試看多是不得得到時裏方來纔連吹兩日則
雨立至又畏雷諺云梅裏雷低田拆舍歸言低
田必致巨浸其舍屋無用而拆歸也甚驗或者疆
為曲解自寬謂聲多及響震反以為早兆往往經
試纔是有雷便費力輕亦有雨遍插秧之患老農
云大抵苾種後半月內不宜雷謂之禁雷天諺云
梅裏一聲雷時中三日雨有迎梅雨一說主旱
諺云雨打梅頭無水飲牛雨打梅額河底開折一

說主水諺云迎

仙一寸送梅一八又雜占云此

雨卒未晴試以

一說比較近年纔是無雨雖有

梅亦不多不可

不知也

重午日只喜薄陰

但欲曬得蓬艾便好大晴主水雨

主絲綿貴大

風雨主田內無邊帶言風水多也

祀五瘟鬼以

用黍之類蓋五月為惡月五日為

惡日也揭門

付謂能祛邪辟惡在幼男女皆懸

背符婦人插釵

與符一飲菖蒲酒為節物亦謂

能辟瘟也

夏至在月初頭主

水諺云夏至在端午前又千種年

田言田没人閑故也此說全然不應雨謂之淋
時雨主久雨最怕西南風諺云急風急沒慢風
慢沒往往立驗無雲主三伏熱括云夏至無雲
三伏熱詳見正月上元下言無雲則是皎潔之
晴無疑矣占法中云至日晴主三伏晴晴則必熱
故也占風南風大熟西南六月內水橫流西秋
大雨西北傷石物北風水暴東北雨主米貴東八
月人病東南傷石果後半月謂之三時首三日
為頭時次五日為中時又次七日為末時時雨
最怕在中時內前二日來謂之中時頭必大凶若

到得末時縱有雨亦善諺云夏至未過水袋未破

諺云時裏一日西南風準過黃梅二日雨又云

一 時裏西南老龍奔潭皆主旱全不應連年試看纔

一 有終日之西南風更急便作雨除是每晚轉東南

必晴此說却準諺云細西暮東風正是旱天公

末時晝旋得雷謂之送時雷主久晴諺云迎梅雨

送時雷送去後難辨回 諺云黃梅天日多雲者

頗

喫井水會也夏至前科 諺云夏至前喫井水

有車箇恰要轉車箇天

鵝鵝一名淘河鵝中鵝鵝之屬其狀異常可畏之

鳥水雉也每歲必至大水其時近至正庚寅五月

十八日正當梅水泛漲之時嘗於聚草之所督工

忽見此怪獸十枚自西而東衆人見之咸謂沒田

之先兆忽一老農云不妨因扣其所以遂引古語

曰夏至前來謂之犁湖夏至後來謂之犁途犁謂

其鰲之形狀相似模魚之勢又相似湖言水漲而

深也途言水退而淺也今則夏至已過八日此後

雨脚必斷水必退矣雖聞此說其詳疑信尚不能

決自後果然天晴水退高下皆得成熟愚按草木

飛走之靈初非通神蓋天物感氣候之變而使之
自然而然也故其剋應一似能預知陰陽水旱吉
凶消長之理各有所係無不立驗若此正以至前
至後之差便分禍福雨旱可謂驗之神奇者也其
他間有不準者亦恐有此等差錯之誤人推測之
有所未至故不能一一取驗也占候者慎勿以一
途而取之

大分龍即二十日占候與小分龍同

冬青花開條冰早其後不落濕地陰云重梅雨未過
冬青花未破冬青花已開黃梅便不寒

月內主半月夏至離田內極穠小龍冠主水口開立
至易過口開反爾紅見主麥貴有二三宜種稻言
有應時之雨曆法統宗云五月三時種稻為上

六月類

朔日值大暑主人多病過里主歲多飢風雨主米貴
初二日有雨難稿稻諺云六月初三晴山篠盡枯零
六月初三一陣雨夜夜風潮到立秋

小暑日雨名曰黃梅顛倒轉主水有東南風及成塊
白雲起主有半月白轉風主退水兼主旱無南風
則無白棹風水卒不能退諺云白棹風雲起旱魃

精空歡喜仰面看青天頭巾落在麻坡裏東坡詩
云三時已斷黃梅雨萬里初來白棹風白棹風當作起棹風
正此日也

初六日晴主收乾稻雨謂之湛輒耳雨主有秋水
諺云六月不熟五穀不結老農云大抵三伏中正
是稿稻天氣又當下壅之時最要晴晴則必熟故
也所以又云六月蓋灰被田裏無張屁言涼冷則
雨必多雨多則水大沒田無疑矣月令云季夏行
秋令則丘隰水潦未稼不熟正此謂也諺云伏
裏西北風臘裏船不通主冬冰堅又秋稻社諺

云六月無蠅新舊相登米價平

夏秋之交稿稻還水後喜雨諺云夏末秋初一劑雨
寒過唐朝一國珠言此及時之雨絕勝無價至寶
孟子所謂沛然下雨則苗勃然興之矣正此時也
月內虹見主麥貴也蝨主旱有西南風主生虫損稻
秋前損根可再抽苗秋後損者不復再抽矣諺云
秋前生虫損一莖發一莖秋後生虫損了一莖無
了一莖詩所謂螟蛉蜚蠊是也

七月類

朔日值立秋與處暑主人多疾風雨主人不安

立秋日天晴主萬物少得成熟小雨言大雨主傷禾
齊民要術云晴主歲稔未詳孰是 有雷損晚稻
諺云秋霹靂損晚穀老農云大抵秋後雷多晚稻
必不見收非但此日所忌 喜西南風主田禾倍
收諺云三日三石四日四石 此日服赤豆七粒
而西以井花水下令一秋無痢疾

七夕西南風謂之金風不要播區言無秋穀也自後
天河計米價回快米賤回遲米貴此說恐只是因
月明而不見米嘗取驗是夜是貴不女子輩陳瓜
果祀天孫織女星謂之乞巧

中元日蒿杆主日雨謂之蒿杆做生日主捺稻
十六日雨名洗鉢孟雨主荒主十方寺觀每年四月
十五日結夏上堂七月十五日解夏散堂此日即
雨故名洗鉢孟年荒必停堂也

月內月蝕應來年牛馬貴如麥主米貴又主田禾不
收大抵交秋後不要豐歉云秋前豐歉固穀米下
來秋後豐歉固穀米上去

八月類

朔日晴主連冬旱宜妻畧得雨宜麥云風雨宜麥
主布貴及麻子貴十倍又云月月初一要晴唯此

月初一要雨好種麥。侵晨以瓦器於百草頭收露水濃磨墨頭疼者點太陽穴勞瘵者點膏肓之類謂之天灸。

白露日屬火謂丙寅丁卯之類主蝗虫多難種菜。

雨謂之苦雨蓋此時之雨多是成路來稻禾露之則白飆蔬菜霜之則味苦諺云白露日箇雨來一路苦一路又云白露前是雨白露後是鬼老農云大抵此時前後之雨多是青天皎日中片雲來處便雨其時稻花俱已秀起當知稻花見日方吐陰雨則收正當盛壯之時暴雨忽至卒不能收被雨。

所傷遂致白風之患聖人所謂秀而不實者有矣
夫若是連陰之雨則不為災若久雨則未免擔閣
吐秀必有皮殼厚之病此亦稼穡艱難之一端
為農者不可不察焉

十一日卜來年水旱侵晨或隔夜於水邊無風浪處
作一有準水則子至晚看則沒主水則露主旱平
亦主少水又主當年好種麥名曰橫港水晴尤妙
秋分日占風離凶與有強風至震萬物不災穀貴良
多陰雨坎冬大寒乾人多相掠兌民安歲稔坤平
西時西方有白雲起如群羊者是分氣至年大

稔有黑雲相混雜者兼宜麻豆 蔓微雨或作陰
天最妙宋人詩云秋雲不雨長空陰正其宜也

諺云分了社穀米遍天下社一分穀米如錦墩分
社同日並田畝屈二說有二一云徧天下主秋水
言其秋出芽長狼籍滿野故名遍天下如錦墩主
豐稔言豐年多黍多稌亦有高原以其美觀可以
富哉如錦墩也畝屈謂隔壁荒一云徧天下主豐
稔言穀米多廣徧地不勝之富庶也如錦墩主秋
禾言秋黃稻爛不可作廩如錦墩一般難得也未
詳孰是然亦屢試二說皆未經驗或云並田畝屈

之說甚驗老農因笑而荅之曰公特不察三隔壁
荒年年有但樂歲中或有一田薄收者數年內亦
間有好收者究其所以天時固是一暖於中人有
勤惰地有肥饒又有稻色不同故雖並田高下之
相似者所收厚薄之不均每歲之事豈但分社同
日之年好此其人亦始省悟諺云大富由天小富
由勤正謂此也後因閱歲時曆說則又云秋分在
社前升米換升錢秋分在社後升米換升豆越人
云社了分穀米不出村分了社穀米如蒼鮮又皆
專言米價貴賤則此理尤其不通愚按六甲循環

節令積糴分社或煎以後或同日曆家自是定式
今人以此為占候取以殊不知天下之水旱豐歉
米麥麻豆之貴賤處不同且問當以何地取準
為是由此推之其謬可知矣占者幸勿拘焉 喜
雨諺云麥秀風搖稻雨澆此言將秀之時得雨
則堂肚大穀穗長秀實之後得雨則米粒圓見收
數 畏旱諺云田怕秋旱入怕老竈秋熟損稻旱
則必熟 怕秋水接續云雨水滄沒產全敗不
見事

月內雨交壬午貴紅月秋麥貴者三庚三卯占種麥

諺云三張三庚麥出低地言然田亦可種麥也三
庚立卯麥出均巧霜只霜高田可收也 月大盡
主有冰災并少養

九月類

朔日值寒露主寒溫不時值霜降主多雨及來年飢
荒有風雨主來年春旱夏水縣子言十信風自東
來半日不止主米麥皆貴

重陽日晴則冬至元日上元清明四日皆多晴雨則
皆雨又主竈荒詩括云重陽無雨一冬晴詳見正
月上元下諺云九日雨未成脯又云重陽濕漉漉

穰草千錢束 占風色卜來年豐歉西北風名穰
丹口裏風八凶東北風名曰石崇口裏風吉 登高
避厄 荆楚歲時記云飲茱萸酒以驅疫
月內有雷主救貴虹見主人灾霜不下主年來三月
多陰寒

十月類

朔日值立冬主有灾異晴則一冬多晴雨則一冬多
雨亦多陰寒諺云賣絮婆子看冬朝無風無雨哭
號咷

立冬日西北風主來年大熟 晴主過寒諺云立冬

日晴過寒弗要（擡柴積又主有魚）雨主無魚諺
云一點雨一箇摸魚鵒冬煎霜多主來年旱禾
善冬後多晚禾好其日用升量米米若綴在升
上主來年春米陡貴甚驗

十六日謂之寒婆生日晴主冬暖此說得之崇德舉
人徐伯和自江東石洞秩滿而歸傳云彼中客旅
遠出專看此日若晴則暖但用隨身衣服而已不
必他備言極準也

月內紅見主麻穀貴月蝕主魚鹽貴有雷主火疫諺
云十月雷人死耙兒推有霧俗呼曰沫露主來年

水大仍相去二百里五日
云看要霧着水面則輕離
沫露塘漚十一

水至老農咸謂極驗或
水而則重謗云十月裏
塘乾

十一月類

朔日值大雪與冬不皆主凶

又有風雨宜麥西風主

賊起

冬至古語云明正暗至諺云

順乾冬至濕濛年二說

大端相反仔細推之後就

初無相關吉凶蓋吳人

尚冬而欲晴故有此言也

所以諺又云開熱冬至

冷淡年則其意可見矣或

云冬至雨年必晴冬至

晴年必雨此說亦通亦頗一觀雲並須是子時
至平旦占之有平青雲北起歲熟民安赤雲旱黑
雲水白雲人灾苦雲天熟無雲大凶去風南來
穀貴北來歲給東來熟母多死西來禾熟沈存中
筆談云東南風謂之歲露有大毒當謹避之若受
飢而感其氣者開年着瘧病必重又云風色多與
下年夏至日相對曲農余知要云欲知來歲五穀
所宜是日取諸粟種各豆量一升以布囊盛之
埋窖陰地後五十月發取量之息最多者歲所宜
也

月內雨雪多主冬春米賤有雷主春米貴冬至前米價若長以後必貴路則反貴諺云冬至前米價長貧兒受長養冬至以後米價落貧兒轉窮害有霧主來年早諺云一日陰過十月內三日又云十一月初露塘乾月令三仲冬行夏令則其國乃旱天氣冥冥雷乃發聲亦此意也

十二月類

朔日值大寒主有虎出為灾值小寒主有祥瑞風半日不止主六畜大灾風雨交冷旱

立春在幾年內主冬暖按云

烘至後逢第三戌為臘臘前後三兩節雪謂之臘
煎三白天宜菜羹諺云若要麥兒三白又云臘雪
是被春雪是鬼又主來年豐稔諺云一月是三白
田翁笑謝靈運賦云盈尺則呈瑞於豐年
又主穀蝗蟲子諺云一寸雪入泥一尺大雪入
泥一丈東坡詩云遺蝗入地應千尺

二十四日謂之小年夜吳中無問人家大小必祀竈
神風俗相傳謂竈君將朝天言人間事一家長短
善惡特求善為我辭之意語云與其媚於奧寧媚
於竈田夫牧豎候昏時爭立竿燎火于野名曰

照田蠶看火色占來年水旱白主水紅主旱猛烈
主豐萎衰主歉風亦取東北為上

二十五日夜煮赤豆粥大小人口皆食之在外之人
亦必畱其口分以俟其歸謂之口數粥亦以驅瘟
鬼之意范石湖詩云

除夜燒生盆爆竹看火色太極與田蠶火同 占風

諺云今夜東北明年大熟 秤水今夜取長流水

秤明朝易水秤之比較重較兩年之水占法同煎

守歲占法本無所載金家因房分多人口衆年

例下立格式隨其各備小姐豆有核出就萱堂為

奉親團欒之樂遂成故事每歲必書記出會齋集
先後意思濃淡如何藏待次年放之儼然暗合一
歲之况後專用此夕卽景以下流年極有應驗
要安靜為上吉諺云除夜犬不吠新年無疫厲或
因盜賊遺漏或因鬪爭作鬧喧呼驚動隣里者其
村巷中新年必遭官司橫事過此當加意謹守風
俗相傳其夜有行瘟使者降瘟于人間例以黃紙
書天行已過揭于門額虛無之言固不足信然語
有鄉人儼之說豈有屠酈之方以此論之大凡俗
諺亦必有所據

月內有霧亦主來年水有冷雨暴作主來年六月七月內橫水

田家五行卷上終

田家五行卷中

田舍子妻

元禮鶴天迷

天文類

論日 日暈則雨 諺云月暈主風 日暈主雨 日脚

占晴雨 諺云朝又天暮又地主晴 反此則雨 日

沒後起青白光 數道下 狹止闊直起 亘天此特夏

秋間有之 俗呼青白路 主寒 日酷熱 日生耳主

晴 雨諺云南耳晴北耳雨 耳生雙耳斷風截雨 若

是長而下垂近地則又名曰日幢 主久晴 日出

早主雨 出晏主晴 老農云此特言久陰之餘夜雨

連日正當天晴之際雲忽一掃而捲即光日出所以言早少刻必雨立驗言畢者日出之後雲晏開也必晴亦甚準蓋日之出入自有定刻實無早晏連日惡謂但當云晴得早主雨晏開主晴不當言日出早晏也古有恃此理者日外白雲障中起主晴諺云日頭黃雲障晒殺老和尚日沒返照主晴俗名為日返塢一云日沒臘脂紅無雨也有風成問二候相似而所主不同何也老農云返照在日沒之煎臘脂紅在日沒之後不可不知也諺云烏雲接日明朝不如今日又云日落雲沒不雨定

寒又云日落雲裏走雨在半夜後已上皆主雨此
言一朶烏雲漸起而日正落其中者 諺云日落
烏雲半夜揭明朝晒得背皮焦此言半天元有黑
雲日落雲外其雲夜必開散明朝必甚晴也又云
今夜日沒烏雲洞明朝晒得背皮痛此言半天上
雖有雲次日沒下段都無雲而見日狀如巖洞者
也已上皆主晴甚驗

論月 月暈主風何方有暈即此方風 新月卜雨

諺云月如彎弓少雨多風月如仰瓦不求自下又
云月仰仰水漾漾月子側水無滴 新月落北主

米貴荒謬云月照後壁入食拘食又云作續者易
敗果驗

四月十六夜月詳見本條下 量月影詳見正月

下新月之生明悉羅卜晴雨二至前後生明為側
二分前後生明必平正然以日月行遠益正而

也

論星 諺云一箇星保夜晴此言雨後天陰但見一

兩星此夜必晴 星光閃爍不定主有風 夏夜

見星密主熱 諺云明星照爛地來朝休舊雨言

久雨正當黃昏卒然雨住雲開便見滿天星升則

豈但明日有雨當夜亦未必晴屢試屢驗嘗記至

元乙亥八月癸亥日鄰家有喪夜治棺于庭其時
正值久雨當晚纔止夜半忽見星月滿天咸謂明
日甲子必又雨無疑矣余獨否之明日自甲子始
果然連晴月餘要知此理與日出早晚相似占者
亦不可不知也

論風 夏秋之交大風及有海沙雲起俗呼謂之風

潮古人名之曰颶風具四方之風故名颶風有此
風必有霖霖大雨同作甚則拔木偃禾壞房舍决
堤堰其先必有如斷虹之狀者見名曰颶風航海
之人見此則又名破船風凡風單日起單日止

雙日起雙日止

諺云西南轉西北搖繩來絆屋

又云半夜五更西天明拔樹枝又云日晚風和明
朝再多又云惡風盡日沒又云日出三竿不急便
寗大凡風日出之時必晏靜謂之風讓日大抵風
自日內起者必善夜起必毒日內息者亦和夜半
後息者必大凍已上並言隆冬之風 諺云風急
雨落人急客作又云東風急備簑笠風急雲起愈
急必雨杜詩云雨來雲席上風急打船頭 諺云
東北風雨太公言艮方風雨卒難得晴俗名曰牛
筋風雨指五位故也諺云云行得春風有夏雨言

有夏雨應時可種田也非謂水必大也經驗 諺

云春風踏脚報言易轉方人傳報不停脚也一云

既吹一日南風必還一日北風報答也二說俱應

諺云西南早到暑弗動草言早有此風向暑必

靜 諺云南風尾北風頭言南風愈吹愈急北風

初起便大 春南夏北有風必雨 冬天南風三

兩日必有雪 歲時喜忌冬見本月下

論雨 諺云雨打五更名晒水坑言五更忽有雨日

中必晴甚驗 要雨不晴 雨著水而無清澤池

主卒未晴諺云一點雨似一箇釘落到明朝也不

晴一點雨似一箇泡落到明朝未得了 諺云天

下太平夜雨日晴言不致憂也 諺云上牽牽牽

牽齊下竟雨齊齊此言久雨正午少止謂之牽齊

或有可晴之理止在午前謂之牽齊則午後之雨

必不可勝言矣 諺云病人怕肚脹雨落怕天亮

亦言久雨正當昏黑忽自明亮則是雨候也 雨

交雪難得晴諺云夾雨夾雪無休無歇 諺云快

雨快晴道德經云飄風不終朝驟雨不終日 凡

雨喜少惡多杜詩云皇天久不雨旣雨晴亦佳諺

云千日晴不厭一日雨落便厭歲時喜忌見各條

下

論雲 雲行占晴雨諺云雲行東雨無踪車馬通雲

行西馬濺泥水沒犁雲行南水潺潺水漲潭雲行
北雨便是好晴穀 上風雖開下風不散主雨諺

云上風皇下風臨無簑衣莫出外 雲若砲車形

起主大風 雲起下熬四野滿目如燿如霧名曰

風花主風起 諺云西南陣陣過也落三十言雲

陣起自西南來者雨必多尋常陰天西南陣上亦

雨 諺云太婆年八十八不曾見東南陣頭發又

云千歲老人不曾見東南陣頭雨沒子田言雲起

自東南來者絕無雨。凡雨陣自西北起者必雲黑如發。鑒又云起作眉梁陣。主先大風而後雨。終易晴。天河中有黑雲生。謂之河作堰。又謂之黑豬渡河。黑雲對起一路相接。且天謂之雨作橋。雨下闊則又謂之合羅陣。皆主大雨。至少頃必作漏天陣。名通界雨。言痛臨普徧也。杜詩云片雲頭上黑。應是雨。催詩是。天陰之餘。或作或止。忽有雨作橋。則必有掛帆雨。却又是雨脚將斷之兆也。不可一例取之。凡雨陣雲疾如飛。或暴雨乍傾。乍止。其中必有神龍隱見。易曰雲從龍。諺云旱

年只怕沿江挑水年只怕
北江紅一云太湖晴上
文吉克旱之年望雨如望
恩纔是四方遠處雲生
陣起或自東引而西自西
而東俗所謂挑也則此
雨非但今日不至必每日
知之即是久旱之兆也
孟子所謂若大旱之望雲
霓正指此而喻事下文
言潦水之年望晴尤甚若
望恩者每到將晚之時
雨忽至云稍浮北向似霞
紅光耀日雨隨作
又必至夜夜如此直至大
雨而後已二事每年試
驗蓋此吳語也故指北江
太湖若是晚霽必乘
西天俱晴無雨諺云西北
好西麥陰天卜晴

諺云朝霞天頂穿暮霞西邊
看西北 諺云魚鱗天不雨
魚鱗斑者一云老鯉斑雲隨
天雲六片如鱗故云老鯉往
天雲陰若無風則無雨宋詩
曰密雲不雨傳謂陰先陽唱
也 冬天連曉忽有老鯉斑
必無雨名曰護霜天諺云識
子一夜眠 范又云即白棹
條下 歲時占色各見本條
應又云朝霞東南暮
風顛此言細細如
晒殺老和尚此言滿
往試驗各有準一秋
云秋雲不雨空陰易
成不和而不能成雨
雲起漸合成濃陰者
毋護霜天不識海着
風雲詳見六月小暑

論霞

諺云朝霞暮霞無水煎茶主旱此言久晴之

霞也

諺云朝霞不出市暮霞走千里此皆言雨

後乍晴之霞暮霞若有火焰形而乾紅者非但主
晴必主久旱之兆朝霞而後天有定雨無疑或是
晴大隔夜雖無今朝忽有別要看顏色斷之乾紅
主晴間有褐色主雨滿天謂之霞得過主晴霞不
過主雨若西天有薄雲稍黑雨當至至唐人詩云
朝霞晴作雨

人謂紅霞曰晨

霞云東邊有薄雲

謂之朝霞

霞不到晝主雨言西霞也若下午雨遠主晴詩

雜錄云朝霞子西華朝霞雨文云今俗謂
紅龍截雨信然 一時喜忌各載本月條下

論雷 謂天象雨元雷船去帝歸主無雨杜詩云雷
震空靈靈雲雨竟虛無 詩云當頭雷無雨卯辰
雷有雨 元雷聲響烈者雨陣雖大而易過雷聲
殷殷然響者卒不晴 雷初發聲洪鉅者歲內吉
猛烈者凶值甲子日尤吉 雪中有雷主陰雨百
日方晴 東州人云一夜起雷三日雨言雷自夜
起必連陰 各時喜忌詳載本條

論電 夏秋之間夜晴而見遠電俗謂之熱閃在南

主久晴在北主便雨諺云南閃千年北閃眼無
北閃俗謂之北辰閃主雨立至諺云北辰三夜無
雨大怪言必有大風大雨也

論冰 冰後水長名長水冰主來年水冰後水退名
退水冰主旱若冰堅可履亦主水

論霜 每年初下只一朝謂之孤霜主來年歉連得
兩朝以上主熟上有鎗芒者吉平者凶春多主旱
論雪 其詳在十二月下霽而不消名曰待伴主再
有雪久經日照而不消亦是來年多水之兆也

地理類

論山 遠山之色清明明爽主晴嵐氣昏暗三作兩

起雲主雨收雲主晴尋常不曾出雲小山忽然
雲起主大雨 久雨在半山之上山水暴發一月
則主山崩却非尋常之水

論地 地面濕潤甚者水珠出如流汗主暴雨作者
得西北風解散無雨石礫水流亦然杜詩云礎潤
休全濕雲晴欲半回 四野鬱蒸主雨

論水 夏初水底生苔主有暴雨諺云水底起青苔

卒逢暴雨來 水際生靛青主有風雨諺云水面

生青靛天公又作變 諺云大水無過一周時言

天道久雨山澤發洪大水橫流江河陡漲之易也
杜工部江漲詩云下牀纔數尺倚杖沒中洲諺
云大旱不過周時雨大水無非百日晴言天道須
是久晴則水之能退也故論潮者云晴乾無大汛
合而言之可見水漲之易退之難也如此凡東
南風退水西北及爾此理蓋只是吳中太湖東南
之常事往年初冬大西北風湖水泛起吳江入家
皆俱浸水中風息後平謂之翻湖水纔是南風連
吹半月十日便可退水一二尺又不還漲或問此
水自何而去何處請得許多水又或者應云風高

日煥自然天容地勢非人所知老農必往太湖往
來又榮迴曲折潮汛之漸澹水處止有松江一脈
湖之北通大江之路元際處不勝直徑之北有水
可通大江尋常風短水不流動風轉即還風頭若
長翻起湖水必高故能興風勢下奔入江合流而
注諸海所謂海納百川太白詩云奔流到海不復
回正謂此也又諺云東南風跳擲三日退一尺愚
按尚書禹貢篇三江既入震澤底定註云松江至
吳江下七十里分流東北入海者為婁江即今崑
山婁家港也東南流者為東江即今嘉定張家浜

口也入海止此二處如江陰等港通江之水信然
有之不知何謂書畧不言以意度之當以老農之
說為是 水邊經行聞得水有香氣主雨水驟至
極驗嘗記每與前輩耆老同行溪畔聞此說初意
甚疑但凡有此聞屢試屢驗不容不信然所謂香
氣殆不可曉或謂水氣也亦莫能辯之蓋此雖小
技若有不傳之妙苟非深歷稼穡之艱經意水旱
每每熟察習慣自然者不可強言如此理也為農
者亦不可不察焉 近至正丁亥正二月遍傳溪
邊漸米渾泔中結成小魚兒遊洋去遠方散謂必

有水向年庚午曾有蓋水怪也因惡此言故變視之果見狀如小魚又如耕升之屬且是海洋活潑潑地稍遠為清水而激漸數不見凡此有及一兩月五月大水沒田及太半戊子正月忽復有此及半月乃止亦復春水頃漲或謂水惡而有此未詳此理如何也 河內漫成包稻種既沒復浮主有水

草木類

論草 五穀草占稻色草有五穗近本莖為早色腰末為晚禾隨其穗之美惡以斷豐歉未必極驗但

其草每年根根相似弗蕩內春初雨過菌生俗呼
為雷甚多則主旱無則主水 草屋久雨菌生其

上朝出晴暮出雨諺云朝出曬殺暮出濯殺 看

窠草一名干戈謂其有刺故也蘆葦之屬叢生於

地夏月暴熱之時忽自枯死主有水 諺云頭芋

生子沒殺二芋二芋生子芋根三芋 交水草也

一名蕪蔴村人嘗割其小白蔴之根 水旱味甘

甜主水已來亦亦止味饒氣主草已來亦已定

論花 梧桐花初生時赤色主旱白色主水 鳳凰

五月開花主水 杞夏月開結主水 藕花謂之

水花爛開在夏滿主水楚青龍縣見五月額

野薇花開在五月主水參松蘿校主水 鳳

仙花開在五月主水魏鶴開一過糯米長一過

價豐苦水 豐四等書 雜古 齊葉 先生歲欲

甘亭鹿 先生歲欲苦 雜先生 歲欲雨 疾熱 先生歲

欲旱蓬先生歲欲流水藻 先生歲欲惡 艾先生歲

欲病皆以五 春占之條江南 先生歲出師 占中

論水凡竹 筭透林 者多主有水 揚樹頭并水際

一根乾紅者主水此說恐每年如此不甚應驗美

居之西數里有一僧舍名無憂庵有一樹名榆朴

之類者不知其名一春如枯夏月方萌每年直待黃梅雨過方始舒葉葉旣開則水定極準一境農人專憑此以卜水候不曾有誤後有山丁過此俾其別之此人一見即云謂之望水檀其名正取此義也此對年深枯朽他處再不復見

鳥獸類

論飛禽 諺云雞浴風鵲浴雨八哥兒洗浴斷風雨鳩鳴有還聲者謂之呼婦主晴無還聲者謂之逐婦主雨 鵲巢低主水高主旱俗傳鵲意旣預知水則云終不使我沒殺故意愈低旣預知旱則云

不使晒殺故意愈高朝野僉載云鵲巢近地其年

大水 海燕忽成群而來主風雨諺云鳥肚雨白

肚風 赤老鴉含水叫雨則未晴晴亦主雨老鴉

作此聲者亦然 鴉買早主雨多人辛苦叫晏

晴多人安閑農作次第 夜間聽九道遙鳥叫卜

風雨諺云一聲風二聲雨三聲四聲斷風雨 鵲

鳥仰鳴則晴俯鳴則雨 鵲噪早報晴明日乾鵲

冬寒天雀群飛翅聲重必有雨雪 兔車鳥北

人呼為九頭虫夜聽其聲出入以下晴雨自北而

南謂之出窠主雨自南而北謂之歸窠主晴古詩

云月黑夜深聞鬼車 契鷓鴣主晴俗謂之鷓鴣
衣 鷓鴣主晴云朝鷓鴣晴暮鷓鴣雨 夏秋間雨陣將
至忽有白鷺飛過雨竟不至名曰截雨 家鷄上
宿遲主陰雨 燕巢做不乾淨主田內草多 母
鷄背養雞雛謂之雞佗兒主雨 喫井鷄鷄並戰
五月下

論走獸

獺藩近水至旱登岸主水有獺

圍墜

野鼠爬泥主有水必到所爬處方止

鼠咬麥苗

主不見敢咬稻苗亦然

倒在下主驚亦米費

爬地立陰雨其狼灰堆高處亦主雨拾契青草主

晴 狗向河邊喫水主水退猫兒喫青草主雨
鐵鼠其臭可惡白日內啣尾成行諸出主雨絲
毛狗腿毛不盡主梅水冰止

龍魚類

論龍 龍下便雨主晴 此是黑龍下主無雨縱有
亦不多白龍下雨必多木鄉諺云黑龍護世界白
龍壞世界 龍下頻主旱諺云多龍多旱 龍陣
雨始自何一路無陣只是此路無處絕無諺云龍
行熟路

論魚 魚躍離水面謂之秤水主水漲高多少水增

多少 凡鯉鯽魚在四五月間得暴漲必散子散
不甚水未止盛散水勢必定夏至前後得黃鱔魚
甚散子時雨必止雖散不甚水終未定最緊 車
溝內魚來攻水逆上得鮎主晴得鯉主水諺云鮎
乾鯉濕又鯽魚主水鱸魚主晴 黑鯉魚脊翼長
接其尾主旱 夏初食鯽魚脊骨者凶主水 漁
者網得鮎鯉謂之水惡故魚著網即死也口開主
水立至暴過口閉來還水卒不定 鯢籠中張得
鱖魚主有風水

論雜

垂

水純

鱖

在

蘆

青

高

處

主

水

高

若

子

漲

若

子

回頭望下水即至望上稍慢 水蛇及白鱷入鰲
籠中皆主大風水作 蟹螯水虫也洽至乾地高
處言水亦到其處不甚驗 暑熱暴暖屋木中出
飛蟻主風雨平地蟻陣作亦然 蟹探頭占晴雨
諺云南望晴北望雨 蚌浮主有水不驗 田角
小螺兒名曰鬼蜃浮於水面主有風雨 杜蛤蝦
蟆之屬所得響亮成通主晴諺云杜蛤叫三通不
用問家公言報晚晴有準也 田雞噴水叫主雨
蚱蜢蜻蜓黃童等虫在小滿以前生者主水俗
呼是魚口中食謂其纔經風雨俱死於水故也

黃梅三時內蝦蟆尿曲有兩大曲大雨小曲小雨
蛙聲詳具上已二蟄初出變化得多主水
蚯蚓俗名曲蟾朝出晴暮出雨

田家五行卷下

田舍子婁
元禮鶴天述

三旬類

論朔日 晴主月內晴 雨謂之交月雨主久陰雨
若比先連綿有雨及輕風以月建方位主米貴
自建方來為得其正萬物各得其所晴雨亦得其
宜 逐月喜忌各見本條下

論旬中剋應 新月下有黑雲積藏主來日雨諺云
初三月下有橫雲初四月東雨傾盆 月盡無雨
則來月初必有風雨諺云廿五廿六若無雨初三

初四莫行船 廿五日謂之月交日有雨主久陰

廿七日最宜晴 諺云交日無過廿七晴

六甲類

論甲子 諺云春雨甲子乘船入市言平地可通舟

楫也夏雨甲子赤地千里一云赤尺古字通用言

為水阻跬步若千里之艱也一云赤荒也如赤脚

赤躄之赤言千里內無有一物也秋雨甲子木頭

生耳木一作禾工部秋雨歎云木頭生耳黍穗黑

註按朝野僉載云木作禾者非冬雨甲子飛雪千

里牛羊凍死凡甲子日晴主兩月內多晴雨則久

雨妨農事常經驗極準愚按甲子乃天干地支之首六甲之始也猶歲之有元日月之有朔旦關係豈不重歟故范石湖詩云甲子無雲萬事宜正此意也言雲且不宜有况雨乎一說甲子春雨主夏旱六十日夏雨主秋旱四十日此說蓋取其久陰之後必有久晴謠云半年雨霖半年晴亦此理也言反常而不知本末故也茲不贅述記得一年悉其月日值甲子日雨正以懷妨農之憂忽有一老農云喜得今日遇雙日是雖甲子雖雨不妨余因默笑而應之曰甲子亦有雌雄乎故後曰誠然余

幼時嘗聞諸父老而亦屢試取驗矣自後果然無
雨愚意猶恐偶爾因考農神雜占注云甲子值雙
日多驗雙日少驗又古人神云老尚誇端甲狂寧
作散仙則方知古人元有端端之說矣噫豈可因
人而廢言便以爲無稽東之語也余又至正戊戌九
月末旬因事入吳正當收穫之時廿八日值甲子
不勝之雨竊謂端甲子恐不應自後果然晴甚大
稱收穫故又識此爲證

論壬子

諺云春雨人無食夏雨牛無食秋雨魚無

食冬雨鳥無食又云春雨壬子秋爛蟹死又云雨

打六壬頭低田便罷休一云更須看甲寅日若晴
拗得過不妨諺云壬子是哥哥爭奈甲寅何若得
連晴為上不然二日內亦當以壬子日為主一
說壬子雨丁巳晴則陰晴相半二日俱晴六十日
內少雨二日候雨主六十日雨多近聞此說累試
有驗

論甲申 諺云甲申猶自可乙酉怕殺我言申日雨
尚庶幾酉上雨主久雨一云春甲申日則主米暴
貴又云閏中見四時甲申日雨則富家閑糶價必
踊貴也吳地客不最畏此二日之雨故特以怕殺

二字表其可畏之甚者也每每試驗極準獨有至
正辛卯六月初正當河水泛溢之際初七日值甲
申八日乙酉滿望二日天晴必寬農懷不耕雨日
連雨大作真所謂雪上加霜之若田家憂者可掬
雖高田尚可指望低田已為棄物不曉何謂自初
九日晴起即南風退水絕無雨來雖至低之田亦
可槁稻皆得成熟姑識此事以俟識者推測云

論甲戌庚必變 諺云久雨久晴多看換甲 又云

甲午旬中無燥土 又云甲雨乙霧 又云甲日

雨巳日晴乙日雨直到庚 又云久晴逢戌雨久

雨望庚晴 又云逢庚須轉逢戊須晴 又云久
雨不晴日看丙丁 又云上火不落下火滴劇言
丙丁日也或 又云論納音 又云庚辛自拗寅
卯不同色

論鶴神 巳酉日下地東北方乙卯轉正東庚申轉

東南丙寅轉正南辛未轉西南丁丑轉正西壬午
轉西北戊子轉正北癸巳上天在天上之北戊戌
日轉天上之南甲辰轉天上之東巳酉復下週而
復始括云纔逢癸巳上天堂乙酉還歸東北方上
天下地之日晴主久晴雨主久雨轉方稍輕若大

早年雖轉方天並不作變諺云荒年無六親早年
無鶴神 巳亥庚子巳巳庚午謂之水主土多是
值雨 庚申日晴甲子必晴 丁未日雨殺百虫
氣候類

春雷仁而反寒必多雨諺云春寒多雨水元宵前
後必有耕峭之風謂之元宵風 凡春有二十四
番花信風梅花風打頭辣花風打末 二月初有
水謂之春水杜詩云二月六日春水生又詩云巴
蜀雪消春水來 二月八日張大帝生日前後必
有風雨極準俗號為請客風送客雨正日謂之洗

街雨初十謂之洗厨雨 二月二上工故諺云河

東西好使犁此時之雨正是一犁春雨杜詩云好

雨知時節當春乃發生諺云水成田衣成人無衣

不成人無水不成田種田不種水田僅可種豆王

荊公詩云一水護田將綠遶 立春後五戊為社

其日雖晴亦必有微雨數點謂社公不笑乾糧果

驗唐詩云桑柘影斜春社散家家扶得醉翁歸此

田家老農至哉之樂也 寒食雨詳見二月類

桃花開前後有水謂之挑花水 諺云清明斷雪穀

雨斷霜言天氣之常 東作曉曉早起夜眠春間

最為要緊古語云一年之計在於春一日之計在於

夏四月清和天氣為正

必作寒數日謂之麥

秀寒即月令麥秋至之候

芒種後雨為黃梅雨

夏至後為時雨此時天公陰晴易變諺云黃梅天

日多熱番顛杜詩云番手作雲覆手雨

黃梅天

氣走向老婆頭邊也要擔了簑衣箬帽去

夏至

日最長諺云夏至日莫與人種秧冬至夜莫與人

打更

至後九九氣候諺云一九二九扇子弗離

手三九廿七冰水甜如密四九三十六出汗如出

浴五九四十五頭戴秋葉舞六九五十四乘涼弗

入寺七九六十三上床尋被單八九七十二思量
蓋夾被九九八十一家家打炭基 六月有水謂
之賊水言不當有也 風謂之白棹風詳見六月
小暑條下 秋稍涼氣候之正即月令涼風至之
候 八月又作漸涼諺云處暑後十八盆湯 又

云立秋後四十五日浴墜乾 中旬作熱謂之潮

熱又名八月小春 十八日潮生日前後有水謂

之橫港水 九月初有雨多謂之秋水 社日應

候田翁樂事並興春社同景物多差唐詩云楓林

社日鼓茅屋午時雞 早稻風晚稻嵐落漫天麥

花水洗車藏路雨。空氣煎後起西北風謂之霜
降信有雨謂之濕信米風先雨謂之耕信雨霜降
煎來信煎信易過善後來信了信必嚴毒此信就
濕後信必如之說云霜降了布衲著得言已有暴
寒之色又云暴寒難忍暴熱難當。水到此必退
古語云霜降水痕收。維時酒家開清話云香橙
螃蟹月。季秋刈穫之忙俗諺云奔金取寶月
仲冬初和暖謂之十月小春又謂之晒糯穀天此
時禾稼已登正是農家為沉醉佳處詩云一年好
景君須記正是橙黃橘綠時。漸見天寒日短必

須夜作諺云十月無工只有梳頭喫飯工又云河

東西好使犁河射角好夜作 立冬前後起西北

風謂之立冬信月內風頻作謂之十月五風信

諺云冬至前後瀛水不走 至後九九氣候諺云

一九二九相見弗出乎三九廿七箇頭吹簞簞四

九三十六夜眠如鷺宿五九四十五太陽開門戶

六九五十四貧兒爭意氣七九六十三布衲擔頭

擔八九七十二從兒尋陰地九九八十一犁耙一

齊出 十二日謂之大禁月忽有一日稍暖即是

大寒之候諺云一日赤膊三日齧齧 諺云大寒

須守火無事不開門又云大寒無過丑寅大寒無
一過未申 諺云臘月廿四五鏟刀不入土

論月 月初始生至月大盡初二晚見至月小盡初

三晚見諺云大二小三 初五夜裏更坐月初八

廿三上落半夜十二夜裏天亮月十三四天明月

著地十五十六正團圓十七十八正轉踏十八九

坐可守二十廿一月上一更急二十二三月上半

闌殘廿五六月上好煮粥廿七八日月東方一齊

發廿九畧有 上弦初七八下弦廿二三

調潮 每半月逐日候潮時有詩訣云午未未申申

寅寅卯辰辰巳巳午午未未一遭輪夜潮相對
起仔細與君論 十三廿七名曰水起是為大汛
各七日二十初五名曰下岸是為小汛亦各七日
諺云初一月半午時潮又云初五二十下岸潮
天亮白遙又云下岸三潮登大汛 凡天道久晴
雖大汛水亦不長諺云晴乾無大汛雨落無小汛
渭言類

耕作旧吉日

乙丑 巳巳 庚午 辛未 癸酉 乙亥

丁丑 戊寅 辛巳 壬午 乙酉 丙戌

浸種穀吉日

下秧吉日

種秧吉日

丁亥 己丑 辛卯 癸巳 甲午 己亥

辛丑 壬寅 甲辰 乙巳 丙午 己酉

癸丑 甲寅 丁巳 己未 庚申 辛酉

甲戌 乙亥 壬午 乙酉 壬辰 乙卯

辛未 癸酉 壬午 癸未 甲午 甲辰

乙巳 丙午 丁未 戊申 己酉 乙卯

辛酉 己亥 乙未 戊日 收日

甲子 乙丑 丁卯 巳巳 癸酉 乙亥
丙子 巳卯 庚辰 癸未 甲申 乙酉
巳丑 辛卯 癸巳 乙未 丙申 戊戌
己亥 庚子 辛丑 壬寅 癸卯 丙午
戊申 巳酉 癸丑 戊午 巳未 庚申
辛酉 癸亥
不收成口

丙辰 壬辰 辛亥謂之天地不數 乙未謂之
天地不成凡播種俱合忌之

種秧忌九焦日

正辰 二丑 三戌 四未 五卯 六子

七酉 八午 九寅 十亥 十一申 十二巳

壠田吉日

用火為吉謂丙寅丁卯甲戌乙亥之類

壠田忌土鬼有九日

癸巳 甲午 乙酉 辛丑 壬寅 巳酉

庚戌 丁巳 戊午

龍石變吉日

九月 甲子 丙寅 庚午 辛未 壬申

丙子 辛巳 癸未 甲申 癸巳 甲午

丙申 巳亥 庚子 丙午 戊申 丁巳

巳未 庚申 壬戌 癸亥

十月 甲子 乙丑 丁卯 庚午 壬申

癸酉 丙子 丁丑 巳卯 壬午 癸未

甲申 戊子 巳丑 辛卯 乙未 戊戌

巳亥 庚子 癸卯 丙午 壬子 甲寅

乙卯 巳未 庚申 壬戌

十一月 甲子 乙丑 丁卯 壬申 癸酉

甲戌 丙子 巳卯 甲申 巳丑 丁酉

壬寅 癸卯 甲辰 戊申 癸丑 甲寅

辛酉 壬戌

已上並不犯小大二耗四耗天空亡等凶俱合天

月二德黃道明星等吉宜龍岩變主出息

龍岩變忌日 年月執破二辰是謂大耗小耗皆凶

龍岩坐向忌方 年月執破二方坐向皆忌之則吉也

穀米入倉吉日

庚午 甲戌 乙亥 丙子 巳卯 辛巳

壬子 癸未 巳酉 戊子 巳丑 庚寅

乙未 壬寅 癸卯 甲辰 巳酉 丙辰

癸亥

田事避忌實錄

田祖即神農氏甲寅死

田主乙巳死辛亥葬

田父丁亥死丁未葬

田母丙戌死丁亥葬

田夫丁亥死辛亥葬

己上並忌開田種作耕耘

后稷癸巳死尊忌播種

種菜吉日

庚寅 辛卯 壬戌 癸亥

種麥吉日

庚午 辛未 辛巳 庚辰 庚子 辛卯

種瓜吉日

甲子 乙丑 庚子 壬寅 乙卯 辛巳

種麻豆吉日

甲子 乙丑 壬申 丙子 戊寅 壬午

壬寅

芝蘭忌西南風不忌則悉變為草

買牛吉日

丙寅 丁卯 庚午 甲申 丁酉 戊戌

庚戌 戊午

又正月寅午戌日

六月申卯未日

取牛吉日

初五

初七

初八

十九

二十

廿三

廿四

廿五

廿八

廿九

三十

穿牛吉日

乙丑

戊辰

辛未

甲戌

乙亥

乙酉

辛巳

戊子

乙巳

乙卯

戊午

己未

穿牛吉神

密止有八日

戊辰

乙亥

己丑

癸卯

丁巳

壬午

丙申

庚戌

更得月內值黃道明望

又併天月二德者尤佳

穿牛凶神

血忌 血支 血刃

天狗

一食畜二神各註于后

血忌 正丑 二未 三寅 四申 五卯

六酉 七辰 八戌 九巳 十亥 十一午

十二子

天狗食畜 春子 夏未 秋午 冬酉

教牛吉日

庚午 壬午 甲午 壬子 申寅

發牛吉日

二月驚蟄後

五子日

甲丙戌三亥日

丁癸二卯日

五午日

巳辛二未日

甲申日

乙丁巳癸四酉日

甲戌日

乙癸二亥日

不犯牛火血勾絞等凶大吉

發牛忌獨火方

括云子年東北丑寅東兔坎龍蛇入巽宮馬出酉

方未申馬酉坤戌亥占乾中

又月獨火方

正月起巳逆行即六害也

又忌牛火血方

子年午 丑年子 寅年丑 卯年未 辰年寅
巳年申 午年卯 未年酉 申年辰 酉年戌
戌年巳 亥年亥

又月方日同

正未 二丑 三寅 四申 五卯 六酉
七辰 八戌 九巳 十亥 十一子 十二午

又忌牛飛廉方并年月方日同

子丑年月在辰 寅卯年月在午

辰巳年月在申 午未年月在戌

申酉年月在子 戌亥年月在寅

取六畜並忌向鶴神方詳見六甲類

又忌飛廉日方

正戌 二巳 三午 四未 五寅 六

七 八 九 十 十一 十二

浴蠶吉日

甲子 丁卯 庚午 壬午 戊午

出蠶吉日

甲子 庚午 癸酉 壬午 乙酉 甲午

乙未 癸卯 乙巳 丙午 丁未 戊申

甲寅 戊午

又庚午是父母生日尤吉

綠絲吉日

子 寅 午 申 酉 亥 丑 辰 戌 巳 未 戌

收開日

蠶房凶日

庚戌蠶姑祀並合心

典買佃贖田吉日

開滿成收值黃道日吉戌巳及赤口日凶

黃道吉日

捷法十二字云道遠近幾時通達路遙何日還家

正七月起子 二八月起寅 三九月起辰
四十月起午 五十一起申 六十二起戌
各以道加順數十二辰過字從孟者是黃道
明星吉日

並與前合但道字無明星何字却有

天德日

正丁 二甲 三壬 四辛 五亥 六甲

七癸 八寅 九丙 十乙 十一巳 十二庚

月德日

正五九月丙 二六十月甲 三七十一月壬

四八十二月庚

赤口日

以月建上起初一日順數加辰戌二位是

雜陰陽書曰凡種禾宜寅申忌乙丑史記曰陰陽之家拘而多忌云孟子謂不違農時

祥瑞類

兩岐麥謂一稈而秀兩穗者主時年祥瑞又主其田秋必倍收其家日必驟進又主太平之兆漢史云桑無附枝麥穗兩岐張君為政樂不可支紫燕來巢主其家益富此燕與鳥燕同類而異色名

曰舍鵬兒又名華腰燕子營巢却與鳥燕絕不
似余所居村巷有此燕巢者僅二家一巷之最溫
潤者亦僅此二家又凡燕巢長及大者主吉祥北
向者令人家道興旺更利田廬也凡六畜自來
占吉凶諺云猪來公只狗來富猫兒來開寶庫一云
雞來貧蓋雞之得失尋常有之何足為異因猪雞
音相近俗傳之誤昔有一人言其家裏乃長富
室長者忽隨家走一猪入其猪欄未幾長者取之
長者故意多言多一猪數以擗其猪豕人不敢索
而去遂致廢弛富室破碗上下作兩聲而濟

者名曰無底碗大吉雀徑以上截書古語於其管
懸于東壁謂祥瑞也近有一友太云數年前見上
洋高仲明家有一無底碗謂其體端懸之東壁其
齊如截愛若至寶不二年其家貧財大進田連阡
陌今則為當地甲戶一凡平退齒每每人不得而
知見若有見其齒已落在口候而得之者大吉利
主三年內大發又稻澆面至耳主有遠親至之喜
黃昏雞啼主有天恩好事或有赦放稅糧之喜
臘月廿五日夜煮豆粥鑊滾則三年大發 猫
天生子皆雄主其家有喜事 三白犬吉謂白雀

巢簷白鼠穿屋白魚入舟也 鼠咬人幘頭帽子

衫領主得財喜百日内至 半夜前作數錢聲者

主招財吉 鼠狼來窟其家必長吉 犬生一子

其家興旺諺云犬生獨家富足 春初獵祭魚忽

有人拾得其遺殘者食之大吉 鵲噪簷前主有

佳客至及有喜事 蛇蟻入有見之者主大發

迹 燈花不可剔去至一更不謝明日有吉事半

夜不謝主有連綿喜慶之事或有遠親信物至諺

云燈花今夜開明朝喜事來久陰天息燈燈燼如

炭紅良久不過明日喜晴諺云火雷星必定晴久

晴後火煤便滅主喜雨長墩忽然門內泥土自
然墳^上起成墩者謂之長墩主其家無進今嘗記
幼時曾見東郊有一村店始於賣酒營生僅以自
已忽門內泥土自然墳起店主謂其祥瑞愛護不
鋤日見漸高家亦日益遂添賣香燭磁器之類踰
年愈高成墩不勝添進人口積蓄米麥乃大興販
京果海錯南貨等物無所不有雖百里之外或富
室或寺院咸來垂顧動以千緡每幾年及春季香
有數千緡交易長夏門亦如市四方馳名遠近目
為巨富三十年後墩漸平下家亦暗消凡見鼠

立主大吉慶 嘗聞余大父言昔中年一元旦曾
於庭前溝口獨見一鼠對之拱立心雖不一為怪
亦謂頗奇因向之曰爾亦知聚來之賀耶其鼠復
如揖拜之狀而去大父晚年子孫蕃衍家事從容
至老康健壽享八十九歲可謂吉慶矣後因以此
事問一前輩乃云嘗於雜書中曾見此說名曰狼
恭鼠拱主大吉慶必有陰德所致而然 已上數
事初非好奇以惑衆皆以目擊耳聞實確可考之
言始附卷末以備田家五行中之一事云爾
祥補拾遺凡出入遇合物及式過橋大吉所謀皆

逐錢穀豐盈

田家五行卷下終

田家五行拾遺

五月二十日大分龍無雨而有雷謂之鎖龍門雷
主當地少雨至正壬辰春末夏初水至既非桃花
又非黃梅去而復來進退不已余家所種低田數
多正苦於種種過時田中積水車峻未有乾期此
日尚且勉強督工喜晴固好然入風周旋正不知
吉凶如何至申時忽東南陣起見掛帆雨隨有雷
三四聲方且驚愕忽見一老農拱手仰天且連稱
慚愧不已因問其故蓋云今日無雨而有雷謂之
鎖龍門復拱手相賀喜躍戲問此處無雨他處却

雨如何老農云隨雨各以本地所致為占候也初
聞父老言前宋時平江府崑山縣作水災隣縣皆
熟却稱旱上司謂接境一縣高下之地豈有水旱
如此相背之理不准後申與里人直赴于朝訴諸
史丞相丞相怪問亦然眾人因泣下而告曰崑山
日日雨常熟只聞雷丞相謂此有理悉聽所陳至
今吳中相傳以為古諺又諺云夏雨隔田情又云
夏雨分牛脊又云龍行熟路正此謂也其年果然
晴多雨少自此日至立秋止雨兩番秋八九月
內值甲子其日有雷主人多暑死重平日大用

主田內無邊帶謂有風水故也 七月有雨名洗

車雨主八月有蓼花水諺云七月七無洗車八月

內無蓼花 蓼花西向風急則名曰吸雨風主雨

立至易過若微微之風最毒應在特裏方來必大

凶 特裏西南風微和或每晚轉東必是旱兆纔

是風急仍舊作雨 夏至風色看文時最要緊屢

驗 諺云晴乾鼓響雨落鐘鳴唐詩云黑城雨翳

鐘又云不勞鐘鼓報新晴 觀母船上人名曰破

蓬掛蓋言見此物還必為風所破矣 天氣濕熱

鬱蒸主有風古語云熱極則生風 語云東南風

跳擲三日退一尺

六月初三日畧得雨主秋旱

收乾猶蘇秀人云此日畧得雨則西山及南海不

祈禱竿小暑日晴雨亦要看交時最緊六月

六日雨謂之湛輓耳雨言田中之水多也大凡

喜忌風雨在得中為佳假如此一時即占候喜何

方風得此風色為正微和極應若是顛狂大作則

反為凶又云好此一時即忌何方風遇此風微最

美若得大作反不為灾占雨亦然也往往歷試甚

驗蓋亦過猶不及之理也琴瑟弦索調得極和則

天道必是一望畧無纖毫方能如是若是調卒不

齊則必陰雨之變蓋亦氣候所到而然也若商鑿
之弦忽自寬則因琴床潤濕故也主陰雨之象者
初夏末天氣暴喧凡庭柱與棖壁之類濕潤如流
汗主有陣頭雨至田蠶火占水旱之事燒生炭盆
占法並同俱載十二月之類 灶灰帶濕作塊天
將變作雨兆 凡夜夢見已死之人並是陰晦之
象天遠不雨則陰變也 凡鑄鐘若灰而成則其
地方在百里內稻無收蓋鐘之為物亦大純成則
奪其造化之秀故主災

家五行拾遺

東方朔探春歷記

甲子日立春高田豐稔水懸岸一尺

春雨如錢 夏雨調勻 秋雨連綿 冬雨高懸

丙子日立春高田豐稔水過岸一尺

春雨多風 夏雨平田 秋雨如王 冬雨連綿

戊子日立春高田豐稔水過岸一尺

春水連梅 夏雨寸岸 秋風不舞 冬雪難期

庚子日立春低歲熟高田不熟秋懸岸七寸

七寸

春雨來遲 夏雨過時 秋雨平岸 冬雨成池

壬子日立春高低熟水平岸

春雨出屨夏雨漸來秋雨無定冬雨雪裏

乙丑日立春低處稔熟水懸岸一尺一寸

春雨雖勻夏雨無晴秋雨如金冬雨泥泥

丁丑日立春低鄉熟高鄉豆好水懸岸四尺

春雨不息夏雨均勻秋雨懸望冬有乾風

己丑日立春低鄉熟水懸岸四尺五寸

春雨風電夏雨遲遲秋雨隔日冬雨無期

辛丑日立春高低豐稔水主平岸

春雨生虫夏雨少稀秋雨霖滴冬雨風濤

癸丑日立春高低皆熟水主平岸

春雨連夏 夏雨多風 秋雨天晴 冬雨三春

丙寅日立春高低豐稔水懸岸五寸

別本云水懸岸四尺五寸

春雨晴陰 夏雨平順 秋雨微微 冬雨連春

戊寅日立春低田豐稔水懸岸四尺

春雨雪風 夏雨田乾 秋雨夏疾 冬雨懸懸

庚寅日立春高低熟水懸一尺三寸

春雨風惡 夏雨雪雹 秋雨如春 冬又雨惡

壬寅日立春高低豐稔水平岸

春雨到岸 夏雨相倍 秋水浩瀚 冬雪不時

甲寅日立春低處豐稔水懸岸六尺

春雨多顛 夏雨乾田 秋雨滴瀝 冬雨高天

丁卯日立春高低熟水懸岸五寸 別本云水懸岸四尺五寸

春雨多風 夏雨無跡 秋雨晴復 冬雨高空

己卯日立春低鄉大熟高處不熟水懸岸八尺

別本水懸岸一尺

春雨如金 夏雨高天 秋雨苗損 冬雪滔滔

辛丑日立春高鄉熟水過岸二寸

春雨連連 夏雨平田 秋雨傷時 冬旱可憐

癸卯日立春高處豐稔水過岸一尺 別本懸岸一尺

春雨無時 夏附低飛 秋雨無限 冬雨難期

乙卯日立春 此處豐稔水平岸別本懸岸一尺

春雨多雪 夏雨連連 秋稔霖霖 冬雨雪傾

戊辰日立春 宜低豐稔水平岸

春雨隔日 夏雨連綿 秋雨風電 冬雨連連

庚辰日立春 高底大熟水懸岸九寸

春雨滴瀝 夏雨正岸 秋田又雨 冬水極濃

壬辰日立春 高處一好施工水過岸一尺二寸別本

水懸岸一尺二寸

春雨有風 夏雨流 限 秋雨黃梅 冬雨風惡

甲辰日立春高低
懸水平平

春雨霖漓
夏雨祖臨
秋雨不返
冬雨低微

丙辰日立春低鄉
懸岸六尺
別本云懸岸七尺

春雨如金
夏雨大作
秋雨風高
冬雨到年

己巳日立春低豐稔
高處旱水懸岸四寸
別本懸岸四尺

春雨過岸
夏雨不多
秋雨多沒
冬雪雨多

辛巳日立春高處豐稔
水過岸六寸
別本云水過岸六尺

春雨調勻
夏雨平傾
秋雨風作
冬雨沉沉

癸巳日立春高鄉好
小懸岸一尺

春雨均勻
夏雨低岸
秋雨高天
冬雨微暖

乙巳日立春高鄉大熟水平岸

別本水懸岸五尺

春雨不時 夏雨平池 秋雨湛溥 冬雪前知

丁巳日立春低鄉豐稔水懸岸五尺

春雨不落 夏雨無多 秋雨無滴 冬雨生波

庚午日立春高處豐稔水懸岸二寸

春雨平岸 夏雨傷苗 秋雨少吉 冬雨濃霜

壬午日立春高低盡熟水懸岸五寸

春雨無數 夏雨傷田 秋風多雨 冬雪無形

甲午日立春高低豐稔水平岸

春雨雪落 夏雨連梅 秋風小雨 冬雨雪霽

丙午日立春低田大熟水懸岸三尺五寸

春雨人疫 夏雨微微 秋雨淋淋 冬雪難穰

戊午日立春低處得熟水懸岸五尺

春雨不多 夏雨平池 秋雨相連 冬雪寒多

辛未日立春高鄉少熟水懸岸一尺二寸

春雨不至 夏雨頗風 秋雨過岸 冬雨懸懸

癸未日立春高低豐稔水懸岸三寸

春雨累日 夏雨平塍 秋雨多疾 冬雪連春

乙未日立春低鄉豐稔水懸岸一尺五寸

別本懸四寸

春雨調勻 夏雨堪霖 秋雨雪雹 冬雨如秋

丁未日立春高下大熟水平岸

春雨多病 夏雨浪滴 秋雨如梅 冬雨雪堆

己未日立春高下得熟水懸岸五寸

翻本懸岸五尺

春雨迢遙 夏雨連秋 秋雨微 冬雨雪少

壬申日立春高下大熟水懸岸五寸

春雨均勻 夏雨過田 秋雨暗傷 冬雨高天

甲申日立春高下豐稔水平岸

春雨多疫 夏雨平田 秋雨平岸 冬雨乾寒

丙申日立春低處得熟水懸岸四尺

春雨微微 夏雨風西 秋雨難保 冬雪雪霜

戊申日立春高低豐給水平岸

春雨調霽

夏雨過梅

秋雨風水

冬雪成堆

庚申日立春低處熱水懸岸四尺

別本水懸岸五尺

春雨中少

夏雨平流

秋雨微微

冬雨風急

癸酉日立春高低豐給水平岸

春雨多雷

夏雨平岸

秋雨透岸

冬雨高天

乙酉日立春低處熱水懸岸四尺

春雨無風

夏雨天陰

秋雨平田

冬雨不息

丁酉日立春高低豐給水平岸病多蛇久

別本懸岸二尺

春雨全無

夏雨過連

秋雨風惡

冬雨少微

巳酉日立春同低大熟水平岸

春雨無風 夏雨到梅 秋雨淋漓 冬雨依依

辛酉日立春似處得熟水懸岸二尺

春晴少雨 夏雨調澤 秋雨平傾 冬雨雪多

甲戌日立春似處豐熟水懸岸五尺

春雨高天 夏雨懸懸 秋雨垂損 冬積雪團

戊戌日立春高低大熟水懸岸一尺

春雨應時 夏雨高危 秋雨風惡 冬雨雪稀

庚戌日立春高低盡熟水過岸一尺

別本過岸四尺

春雨不風 夏雨濛濛 秋雨沾潤 冬雨無踪

壬戌日立春高鄉豐稔水過岸本一作平岸

春雨不時 夏雨平田 秋雨不降 冬雨多連

乙亥日立春高鄉熟水過岸一尺

春雨連夏 夏雨連秋 秋雨播岸 冬雨災憂

丁亥日立春高鄉熟水過岸一尺本一作水

春雨時作 夏雨連電 秋雨連綿 冬雪泡凍

己亥日立春高鄉豐稔水平岸

春雨人疾 夏雨淋淋 秋雨依依 冬雨雪電

辛亥日立春高鄉豐稔低處滄溪水平岸

春雨低微 夏雨過池 秋雨雪電 冬雪些兒

癸亥日立春高低豐熟水豐岸一尺

春雨均勻夏雨低田秋雨漸漸冬暖高天

東方朔探春歷記終

田家五行紀歷撮要

田舍子婁

禮鶴天集

正月

百年難遇歲朝春 歲朝東北五禾大熟 歲朝

西北風大水害農功 八日穀旦晴明宜穀

上八日不見參星月半不見紅燈 元宵無雨

多春旱 一日陰人耕食一升二日陰人耕食

二升 風吹上元燈雨打寒食墳 甲子豐年

丙子旱戊子蝗虫庚子叛惟有壬子水滔滔只

在正月上旬看 一日鷄天氣晴人安國泰四

夷米貢二日狗無風雨即大熟三日猪清明若
安四日羊春氣暖臣順君命五日燕如清明四
望無怨氣六日牛日月光明即大熟七日人晴
明民安君臣和會八日穀夜見星辰五穀豐熟

二月

十夜以上雨水鄉人蓋叫苦 十二日晴徹夜夜

雨却不怕 雷初發聲在水門其年有水方為

水門 社日必有雨諺云社公不喫舊水又云

社公不喫乾糧 立春後第五戊是社

三月

三月無三卯田家米不飽 初三日田鷄上晝叫

上鄉熟下晝叫下鄉熟終日叫上下鄉俱熟

田鷄叫得啞三青變作鮓田鷄叫得啞田裏收

稻把田鷄叫得響田裏好牽漿 三月初三晴

桑葉掛銀瓶雨打石頭斑桑葉錢上雙雨打石

頭流桑葉好喂牛 注云此日農姑浸種清明晒得

楊柳枯十隻糞缸九隻淨音快 清明無雨少黃

梅 雨打絲錢頭麻麥不見妝雨打蔥頭錢今

年好種田 欄前種柳青農人休望晴門前種

柳焦農人好作嬌 清明午前晴早蠶熟午後

晴晚蠶熟 三月初三日雨打石照通桑葉三
錢片又云三日尚可四日殺我言四日尤貴
穀兩日辰值甲辰蠶麥相登大喜忻穀兩日辰
值甲午每陌絲綿得三斤

四月

夜雨損小麥諺云小麥不怕神共鬼只怕四月八
夜雨 麥秀風搖稻秀雨澆 有利無利只看
四月十二此日宜晴忌西南風吹百錢是動若
東南風吹動是百錢十分好 有穀無穀只看
四月十六 四月十六日烏澆禿不論高低一

齊熟 十六日上旱低田好種稻水少 立夏
日無暈無水有暈主做湖塘 看魚散子占水
黃梅時水邊草對土看散子高低以卜水增止
四月二十八日小分龍當雨不雨謂之分癩
龍少雨 日暖夜寒東海也乾 拂生日晴有
果子

五月

芒種逢壬便立梅 初一日雨落人笑百草初
一雨落井泉浮初二雨落井泉枯初三雨落連
太湖 重午日雨落線線重午日蓬乾農人

喜歡 雨打梅頭無水洗午雨打梅頭并底開

并 黃梅塞井底乾 夏至未過水袋未破

夏至要東南風晴 梅裏一日西南

時裏三日潭潭時裏一日西南却唯梅裏三日

雨 迎梅一寸送梅一尺 梅裏雷低田并舍

歸 梅裏一聲雷時中三日雨 黃梅天日多

幾番顛 夏至端午前八手種年田 迎梅雨

送時雷送了去永不回 冬青花未破黃梅雨

未過冬青花已開黃梅雨便來 夏至有雲三

伏熱夏至不要日暈 冬青花不落

有暈有水
無暈無水

乾地 夏至前鵲鳴引有車箇再喫無車箇笑

夏至日雨落謂淋時雨主久 夏至前蟹上

岸夏至後水到岸 時裏西南老鯉奔潭無雨

二十日六分龍要晴 夏至日得雨其年必豐

夏至日箇雨一點值千金 朝西暮東風正

是旱天公 五月大種瓜不過啣 夏至日西

南急風急沒慢風慢沒 五月小種秧必須早

舶艚風雲起旱魃精空歡喜仰面看青天頭

巾落在廊拚裝 二十雨落二十一鰲蝦子黃

秧便種豆 夏至日莫與人種秧冬至莫與

人打更 小暑日雨落者悔期倒轉 端午日
雨來年大熟 分龍之日農家於是日早以米
飾盛座藉之帝至晚視之若有雨點迹則秋不
熟穀價高人多閉糶

六月

六月初一一劑雨夜夜風潮到立秋六月初三
晴山篠盡枯零 六月不熟五穀不結 六月
益夾被田裏不生米 六月西北風主稻秕穀
凶 六月無蒼蠅新舊米相登 六月旦日值
夏至歲多飢饉餓 伏裏西北風驛裏缸不通

主秋 六月西風吹過廿八月無風批子稻
處暑雨不通白露枉相逢 三伏中大熱冬
多雨雪 卿螳蟬升稻生芒 夏末秋初一劑
雨賽過唐朝萬斛珠 陰陽書言從夏至第三
庚為初伏第四庚為中伏立秋後初庚為末伏
故謂之三伏

七月

七月秋時到秋六月秋極陰能休 朝立秋暮颶風

夜立秋熱到頭

暮颶風作

立秋日要西南風

主稻永倍收三日三夜四日四石 立秋日天

氣精明萬物多不成熟 七月名天河去採米價
回快來賤回遲米貴 立秋日雷名秋霹靂損
晚禾亦云秋霹靂主晚稻熟 七月十五日嘗
竿生日俗語十四日嘗竿生日 七月十六雨
名洗鉢雨

八月

八月初一日晴連冬旱 雨好種大小麥并薑

分社合日並田畝屈分了社穀米通天下社了

分穀米如錦墩 八月十一日無橫降雨水起

好種麥來年水少 白露前是雨白露後是鬼

白露日屬火難種菜蔬 白露號天收若有

雨則損穀謂之苦雨成露落若稻遇之則白殺

蔬菜遇之則苦 社了分穀米不出村分了社

穀米如蒼鮮 秋分在社前升米換升錢秋分

在社後升米換升豆 八月十一日作水則子

在水邊占來水旱水不到則子無水水過則子

有水 田怕秋旱人怕老窮 早禾怕北風晚

禾怕南風 立春立秋後第五戌為社也 立

秋四十下水便是硬漢 三卯三庚麥出低鄉

三庚二卯麥出拘巧

九月

重陽無雨一冬晴 重陽濕漉漉穰草千錢束主

差 重陽看風色東北風石崇口內風萬物盡結

實西北風范丹口內風實是無教訓

十月

十月無壬子雷寒待後春 初一日東北風雨太

公 十月雷人紀紀兒推 十月雷內霧主來

年五月內有水二百至賣綿絮婆婆只看十

月朝無風無雨哭號咷 立冬日晴主有魚

十一月

冬至後三戌入牕 冬至風與夏至相對 冬至
前米價長貧兒受長養冬至前米價落貧兒轉
消索 要知下年閏且看冬至後幾日剩 清
臺占法云冬至後一日得壬炎旱千里二日得
壬小旱三日得壬平四日得壬五穀豐五日得
壬少水六日得壬大水七日得壬河決流八日
得壬海番騰九日得壬大熟十日至十一日得
壬五穀不成

十二月

雨春夾一冬無被暖烘烘

臘雪是被春雪是鬼

若要麥見三白 十二月裏霧無水故酒庫
霧主半月旱准十月內五日霧 除夜東北風
五禾大熟 除夜犬不吠新年無疫癘 冰結
後水落主來年旱冰結後水漲名上水冰主水
若緊厚來年大水

雜占

生逢本命壽增一紀 春甲子雨乘舡入市夏甲
子雨赤地千里秋甲子雨禾頭生耳冬甲子雨
飛雪千里 巳亥庚子巳巳庚午謂之水土有
雨 甲日雨下乙日晴乙日雨下十日陰 庚

辛相拘寅卯不同色 久晴不雨且看戌巳久

雨不晴且看丙丁 久晴逢戊雨久雨望庚晴

壬子日雨主炊荒 風急雨落人急客作

上火不落火滴劇 四季壬子要晴此日有

雨名水生日春入無食夏牛無食秋鳥無食冬

魚無食又名小竈荒 東風急備衰笠 荒年

無六親旱年無鶴神 太婆年八十八不曾見

東南陣頭發 明星照爛地天亮必有雨 日

沒臉脂紅無雨 必有風 月暈主風日暈主雨

東窗晴西窗雨對日盤不到晝 朝出晒殺

暮出沒

暮出沒

日頭

蓬雲

障

晒殺

老

和尚

日生

雨耳

斷風

絕雨

日落

西方

雲明

朝雨

紛

紛

雨打

五更

日晒

水坑

朝看

天頂

穿暮

看

四方

懸

鳥雲

接日

明朝

不

如今

日

落雲

裏走

雨落

半夜

後

乍

落

齊

下

晝雨

蟬

南耳

晴北

耳雨

病人

怕肚

脹

雨落

怕天

亮

一箇

星

保夜

晴

朝看

東南

晚看

西北

月

桃花

水五

月黃

梅水

六月

賊水

八月

橫降

水

甲午

旬中

無燥

上

未雨

先雷

缸去

步歸

當頭

雷無

點

雨

夾雨

夾雪

無休

無歇

日沒

烏雲半夜翳明朝晒得背皮焦
月照後壁人喫狗食
西南陣經過落三寸
月如仰瓦不求自下月如彎弓少雨多風
大老鴉含水未晴亦主雨
晝陰名哭水鳥
早年只怕汾江跳水年只怕太湖紅
河東西好使犁河射角好夜作
春寒雨夏寒晴雲行東車馬通雲行西脚踐泥雲行南水平潭雲行北好晒穀
冬壬寅夏甲申有雨米貴
月子側水無滴月子邵水漾漾
一點雨似箇丁落到明朝也不晴
一點雨似箇砲落到明朝也不散
春寒秋

熱蘇杭兩浙 大寒無過丑寅大熱無過未申

槐熟宜來年麥棗熟當年禾 冬無雪麥不

結 鶴神上天過羊晴下地過牛無雨晴 鶴

神轉方食春喫瘟廣夏喫禾秋喫稻禾冬喫米

論月初始生前月大盡初二晚見前月小盡

初三晚見諺云大二小三見月也 禾稼成雲

之時辰日雨生虫未日雨生虫 深耕勤種猶

有天災懶惰農人自安何以爲生 農人以雪

水浸種穀倍收仍不生虫 十二月間不可使

牛畊田蓋天寒冷牛骨跨此日破此大有損馬

糞晒乾以壅田則肥穀盛 黍稷稻粱禾麻菽
粟謂之八穀 杭米新熟者動氣經再年者亦
能發病江南人多收大稻 凡種五穀以長生
旺日種者多實尤忌犯日種者薄收以忌日種
者敗傷又用成收滿平定日為佳 小豆忌卯
稻忌辰未忌丙午忌丑麻忌寅米小麥忌戌大
麥忌子大豆忌申凡九穀不避忌種多傷敗也
凡種諸豆與油麻大麻等若不及時去草必
為草所蠹耗雖結實亦不多 諺云麻耘池
豆耘苑麻深初生時耘豆花開時耘尚可

麥宜地瘦不宜肥凡米園上須用一尺厚
礬糠蓋之頻頻取出晒乾易之米則不壞貯
麥必烈日曝乾麥熟以麥剉碎再煮一宿詰朝
復曝明朝復曝而歲之免虫飛蛾三川飢有
青衣童子曰世人厭棄五穀地司已收其神矣
可相率祈謝穀父蠶母當致豐稔肥田法麥
豆為上小豆胡麻次之皆以五月及六月種
之七月八月耕殺之春種穀即一畝收十石其
力與蠶沙熟糞同矣臘月種麥來年必熟凡
種三麥小忌戌大忌子麥屬陽故宜乾稻屬

陰故宜水澤 小麥不過冬大米不過年 種

麥之法土欲細碎溝欲深爬欲輕撒欲勻麥芒

穀也金也金而生火旺而死以來有穗者從久

故謂之麥 刈麥時必須於烈日中收仍曝乾

其穗方可堆積不然一兩日蒸爛盡化為蛾

穀對上接桑其葉肥大桑上接梨脆美而甘

撒子種桑根莖鷄脚葉薄而蠶薄絲少 白桑

葉大如掌而厚得蠶厚而堅絲美倍常桑葉生

水而蠶者號曰金葉非特蠶蠶不食而水亦將

就稿矣先諶而後葉者葉必少午日不得鋤桑

園 浙間值桑斬其桑而栽之謂之嫁桑却以
螺殼覆其頂恐梅雨所浸損其皮故也二年即
盛

田家五行紀曆撮要